

5544

Handwritten text, possibly a title or author name, in a cursive script.

Handwritten text, possibly a subtitle or a note, in a cursive script.

062(=91.99)
z-28

4. 1901

2010

4826


ԵՌԱՄԵԱՅ ՏԵՂԵԿԱԳԻՐ

ՀԱՅՈՅ ԽԻԱՑԵԱԼ ՀԱՍՏԱՏՈՒԹԵԱՆ

Ուէսթ Հոպօքըն, Ն.Պ.Ճ.

370
2447-86

ՅԵ



ՍԻՐՈՅ ՀՐԱԽԷՐ

Եկէք ինձի, բոլոր յոգնած եւ բեռնաւորածներ, եւ ես պիտի հանգուցանեմ զձեզ: Առէ՛ք իմ լուծս ձեր վրայ, և սորվեցէ՛ք ինչ որ հեզ եմ և խոնարհ սրտիւ, և ձեր անձերուն հանգիստ պիտի գտնէ՛ք: Քանզի իմ լուծս քաղցր է, եւ բեռս՝ թեթեւ: Մատթ. ԺԱ. 28-30:

Սիրով կը հրաւիրենք՝ սոյն Հաստատութեան Աստուածային պաշտամանց ներկայ լինելու ամեն անոնք, որոնք շուենին ուրիշ եկեղեցի մը երթալու, որոնք Հայերէն լեզուով Աստուածային պաշտամանց ներկայ գլտնուելը նախապատիւ կը համարին և որոնք պիտի ուզեն մեզ հետ զԱստուած փառարանել մեր Տէր և Փրկիչ Քրիստոսի միջոցաւ:

Սիրով կը հրաւիրենք՝ սոյն Հաստատութեան Քրիստոնէական բարեգործութեանց սրէէ միոյն կամ բոլորին նպաստելու, աջակցելու, մասնակցելու կամ աշխատակցելու ամեն անոնք, որոնք՝ Քրիստոսի ծառայած ըլլալու համար, կ'ուզեն բարեգործութիւններ ընել իրենց նմանուոյն, մանաւանդ իրենց թէ աստ և թէ հայրենիքին մէջ գտնուող տառապեալ ազգայնոց:

Սիրով կը հրաւիրենք՝ սոյն Հաստատութեան Հարգութեանը մասնակցելու ամեն անոնք, որոնք կը սիրեն Յիսուս Քրիստոս անկեղծութեամբ, կը դաւանին որ ինքն է Փրկիչ և կ'ուզեն ճշմարտութեամբ հետևիլ իրեն ի փառս Հօր Աստուծոյ:

Ամեն անոնք՝ որոնք կը մտադրեն սոյն Հաստատութիւնը ընել իրենց հաստատութիւնը և միանալ անոր որևէ ճիւղին, կը խնդրուին շրջել իրենց անունն ու հասցէն առ Տնօրէն-Տեսուչն:

ԲԱՑ ՆԱՄԱԿ ՔԱՐՈՉՉԻՆ

«Սէրը իրենը չը վնտուեր, Ա. ԿՈՐ. ԺԳ. 5»

Շատ կարճ կը թուին երկուք ու կէս տարիներն, զորս անցուցինք միասին պաշտելու զԱստուած և Քրիստոնէական սկզբունքներով ծառայելու մարդկութեան օգտին ընդհանրապէս և մեր ազգի օգտին մասնաւորապէս: Որքա՛ն փոփոխութիւնք յորմէ՛հատէ: Յարանուանական և կուսակցական հակառակութիւններն ու կռիւներն անցելոյն պատմութեան մէջ տխուր երես մը միայն կը կազմեն: Գոհութիւն և փառք մատուցանենք Բարձրեւոյն Աստուծոյ որ իւր Ս. Հոգւոյն շնորհքովը զգալ տուաւ Հայ ժողովրդին թէ իրենք ստեղծուած չեն զիրար անուանարկելու, բամբասելու, զրպարտելու, մասնելու, նախատելու և բզքտելու յանուն սիրոյ և զոհողութեան ամենաբարձր տիպար եղող Փրկչին Յիսուսի Քրիստոսի և յանուն Յզգային սուրբ և նուիրական դասին: այլ ապրելու Աստուածային շնորհքով, պարկեշտութեամբ, համերաշխութեամբ, փոխադարձ ձեռնտուութեամբ, ծնողաց հնազանդութեամբ և յարգ ու պատիւ տալով, տառապեալ ազգայնոց օգնելով, որբերը խնամելով, Հայ զաւակաց ուսմանն ու կրթութեանը հոգ տանելով և մեր թշուառ հայրենիքը շրմոռնալով հանդերձ ի պահանջել հօրիկն նորա վէրքերն պատատելով:

Գոհութիւն և փառք մատուցանենք մեր Փրկչին Յիսուսի որ Հայ ազգը այժմ աւելի քան երբէք կ'դճայ սովորիլ իւր գծած ճամբան ըստ Պօղոսի Առաքելոյն Ա. ԿՈՐ. ԺԳ. 1-7. նա օրքատօրէ աւելի կը համոզուի որ սոսկ եկեղեցի երթալով, ժամ ու պատարագ տեսնելով կամ պատուելի քարոզը լսելով մարդ իսկապէս Քրիստոնէայ եղած չըլլար. այժմ աւելի քան երբէք կը նկատէ որ մենք միայն անուանական Քրիստոնէայներ ենք մնացած. Լուսաւորչի, Ներսէսի, Սահակայ, Մեսրոպայ, Վարդանայ, Ղեւոնդի ու նմանեաց Քրիստոնէութիւնը մեր մէջէն շատոնց իվեր աներեւութացած է. թէ «Հաւատք առանց գործոց մեռած են» և առ այս նորանոր ճիգեր սկսած է ընել որ հաւատքով ու գործքով միանգամայն ճշմարիտ Քրիստոնէայ լինի:

Հաստատութիւնս ալ հաւատարիմ իւր կոչման՝ իրեն պարտականութիւն ճանչցու ոչ Լուսաւորչականներն անպարծութեան կամ Միսիոնարական Պօռտի մը պահանջքը գոհացնելու համար անուանական Բողոքականներ չինեւ, այլ աւետարանել Փրկչի մարդոց վրայ ունեցած սէրը և ցոյց տուած ճամբան, որով և բարձրացնել Հայութիւնը տգիտութեան աղջամղջին իրաւարի մէջ խորասուզեալ՝ և եսասիրութեան խտելի բռնապետութեան գերիացեալ վիճակէն դէպի յաւիտենականի արդարասիրութեան, ճշմարտասիրութեան և Հայրական գորովալից սիրոյ՝ ինչպէս նաև Փրկչի կաթողին սիրոյ պայծառ ու ճաճանչափայլ լուսոյն և խղճի ու մաքի գիտակցութեամբ ազատասիրութեանը. և առ այս Հաստատութիւնըս լայն բացաւ իւր կրօնական և կրթական բոլոր ճիւղերը իրեն դիմողներուն որ կրցածնուն չափ օգտուին անոնցմէ. միեւնոյն ատեն ջանաց իւրովսանն օգնել անհատաբար ամեն մէկ կարօտեալի իւր կարօտութեան տեսակէտովը. առանց սպասելու որ և է մէկէն անգամ որ կամ իրենց բողոքական ըլլալովը (ինչպէս ոմանք կենթադրէին) և կամ մի ուրիշ որ և է կերպով մեզ վարձատրած ըլլային:

Հաստատութիւնս՝ մեր ժողովրդի սէրն դէպի իւր ազգային գրականութիւնն ու բանաստեղծութիւնը զարթեցնելու համար այ, մտցուց իւր եկեղեցւոյն մէջ մեր նախնեաց պատուական բանաստեղծութիւններէն հատընտիր շարականներ ալ երգելու դրութիւնը, որը ոչ թէ Բողոքական սկզբանց գոհոգութիւն մ'էր (ինչպէս ըստ ոմանց), այլ բարին, գեղեցիկը և պատուականը ճանչնալով, սիրելու և դրնահատելու արդիւնք մը:

Նոյնպէս ոչ ոք աւելի քան Հաստատութիւնս ջանաց Հայ ազգի ազգայնութեան պահպանմանը ծառայել հաստատելով աստ Ամերիկայի Անդրանիկ Հայ Վարժարանն, ուր երկսեռ Հայ մանկտիք սկսեցին սովորել Հայերէն կարգալ ու գրել, Հայոց Պատմութիւն, Հայաստանի Աշխարհագրութիւն և Հայերէն լեզուով փառարանել ըզպարգեւողն շնորհաց:

Կ'արժէ աստ յիշել թէ Հայ Ժողովուրդը հուսկ ուրեմն ճանչցու սոյն Հաստատութեան անկեղծութիւնը ու օգտակարութիւնը. սկսաւ սիրել և սովորեցնել իւր գաւակացն ալ որ սիրեն զայն. առ որ իմ խորին շնորհակալիք կը մատուցանեմ առհասարակ Հայ Ժողովրդեան և իմասնաւորի Լուսաւորչական և Բողոքական այն պատուարժան կղերներուն և բարեպաշտ աշխարհականներուն, որոք թէ իրենց բարոյական ազդեցութեամբը և թէ նիւթական նպաստներովը քաջալերեցին Հաստատութիւնս ու զարն մը տուին իւր յառաջդիմութեանը:

Իմ շնորհակալութիւնս կը պարտիմ նոյնպէս նիւ Եօրքի Պրիք Երից. Եկեղեցւոյ, Ճէրզի Սիթիի Երից. Ժողովոյ և տեղւոյս Առաջին Երից. Եկեղեցւոյ բարոյական հովանաւորութեանց և նիւթական քաջալերութեանց:

Շնորհակալութիւնս կը յայտնեմ նաև Օր. է. Մ. Էսուէրասի և Օր. Լ. Գարրիէլեանի, որոց հաւատարիմ աշխատակցութեանը կը պարտինք մեր կիր. Վարժարանի յաջողութիւնը:

Շնորհակալութիւն և ձեզ, իմ փոքրիկ հօտին, որ քաջութեամբ դիմացաք ինձ հետ ամեն հալածանաց, համբերեցիք ամեն նախատանաց և ջանացիք ձեր հասկցած չափովը հաւատարմարար ծառայել ձեր կոչման:

Ջանանք այսուհետեւ ալ յարատեւել Քրիստոնէութեան շաւղին մէջ հաստատուն հաւատքով, անվատ յոյսով, անսպառ սիրով և առաքինի ու օգտակար գործերով. «ոչ մեր շահերուն համար», այլ մեր պարտականութիւններն դէպի իրաւազուրկ մարդկութիւնն, մեր տառապեալ ազգն ու թշուառ Հայրենիքն գիտակցութեամբ կատարած ըլլալու համար՝ ի փառս Փրկչին մերոյ և Հօր Աստուծոյ, որուն միայն կը վայելէ ամեն պատիւ ու զօրութիւն յաւիտենից ի յաւիտեանս:

ՊԵՏՐՈՍ Ռ. ԹՈՐՈՍԵԱՆ

ԾԱՆՈՒՑՈՒՄՆԵՐ

Որքոյ պատկերները տեսնել սոյն տետրակի տիպոգրաֆիայի գրամայ, Ամեն Ս. Պատրիարքի հրամանագրի մանրանկար պատճէնը տետրակիս վերջը դ երեսին վրայ: Միւս կտրուոր գրութեանց մանրանկար պատճէններն հակառակ մեր ցանկութեանց, մեզ անհնար եղաւ աստ արտատպել մանրանկարաց սեղանով գրուած ըլլալուն համար. բայց որեւէ հետաքրքիր անձ կրնայ տեսնել դիմելով Ընկերութեանս Նախագահին կամ Քարտուղարին:

Ն. Ճ. ՀԱՅ ՈՐԲԱՍՆԱՄ ԸՆԿ.

Սոյն տետրակը հրատարակութեան տակ եղած միջոցին՝ նոր կարգադրութեան մը համեմատ Հաստատութեանս անունը փոխուած է հետեւեալ նոր անունս,

ՀԱՅԿԱԿԱՆ ԱՌԱՔԵԼՈՒԹՅՈՒՆ

ՈՒԷՍԹ ՀՕՊՕՔԸՆ ԱՌԱՋԻՆ ԵՐԻՑԱԿԱՆ ԵԿԵՂԵՏԻՈՅ:

Նոյնպէս Հաստատութեանս վարչական ընթացիկ գործերու տնօրինութիւնն ստանձնած է յիշեալ Եկեղեցւոյ Հոգևոր Հոգաբարձու ժողովը. և սոյն Առաքելութեան արդի Տեսուչ ու Քարոզիչն է

Արժ. Տիար ՄԱՐՏԻՐՈՍ ՊՈՂՏՍՍՍՐԵԱՆ

որոյ ընտիր, իմաստալից և հոգեշահ քարոզութեանց կը հրաւիրենք ամեն Հայ հաճի ներկայ գտնուիլ:

Մեր նոր ժողովարանի հասցէն է

4 Palisade Ave., UNION HILL, N. J.

ՀԱՅՈՑ ՄԻԱՑԵԱԼ ՀԱՍՏԱՏՈՒԹԻՒՆ

Ուէսթ Հօպօքըն, Ն. Ճ.

ԵՌԱՄԵԱՅ ՏԵՂԵԿԱԳԻՐ

ՀԱՅՈՑ ՄԻԱՑԵԱԼ ՀԱՍՏԱՏՈՒԹԵԱՆ

ՈՒԷՍԹ ՀՕՊՕՔԸՆ, Ն. Ճ.

Ս.յս գիւղաքաղաքը կը գտնուի Ամերիկայի Միաց. Նահանգաց, Նիու Ճէրզի Նահանգի, Հըտսըն Գաւառին մէջ. Նիու Եօքէն

շուրջ 3 մղոն հեռաւորութեամբ, ուղղակի դէպ Արևմուտք, Հըտսըն գետի աջակողմեան լեռնային բարձունքներուն վրայ և շարունակութիւն մ'է Ճէրզի քաղաքի բարձունքներուն. սահմանակից լինելով Հիւսիսէն Միութեան Բլուր (Union Hill) գիւղին, Հարաւէն՝ Ճէրզի Քաղաքի Բարձունքներուն (Jersey City Heights), Արևելքէն՝ Հօպօքընի (Hoboken) և Ուէյհօքընի Բարձունքներուն (Weehawken Heights) և Արևմուտքէն՝ Հիւսիսային Պըրկըն (North Bergen) գիւղին:

Ուէսթ Հօպօքընը ունի շուրջ 25,000 բնակիչ*, մեծ մասամբ Գերման սերունդէ: Տիրող լեզուն է՝ Մնգլիերէնէն իզատ Գերմաներէն, որը կը խօսուի հաւասարա-

* Ծմն. — Ատոնցմէ 312ը Հայեր են, որոնք կը կազմեն 52 Լուսաւորչական, 10 Բողոքական, 2 Կաթօլիկ ընտանիքներ և 24 ամուրիներ: Ս.յս հաշուէն դուրս են իւնիըն Հիլի և Ճէրզի Սիթիի Հայերն, որոց առաջինը ունի 34 անձ. որք կը կազմեն 4 Լուս., 3 Բող. ընտանիքներ և 3 ամուրիներ. մինչ վերջինը՝ շուրջ 66 անձ. որք կը կազմեն 11 Լուս., 4 Բողոք. ընտանիքներ ու խումբ մ'ալ ամուրիներ:

պէս Գերմանացի, Հոլանտացի, Զուիցերիացի և Շուէ-տացի գաղթականներէ, ինչպէս նաև բազմաթիւ Հրէայ-ներէ: Իտալացի, Գաղղիացի և Հայ տարրերը, մանա-ւանդ այս վերջին երկուքը, դեռ նշանակութեան ար-ժանի տարր մը չեն կազմեր: Գիւղաքաղաքին մէջ կան Բարձրագոյն վարժարան մը և 4 Հասարակաց վարժա-րաններ 4,731 ուսանողներով: Եկեղեցիներն և ուրիշ կրօնական հաստատութիւններն թուով 16 կը հաշուին: Գարեջրիտուներն թուով խիստ շատ են և բաց են կի-րակի օրերն անգամ: Մետաքսի 4 մեծ գործարաններ կը հայթայթեն բնակչաց ապրուստի միջոցներն: Տեղւոյն մէջ հրատարակուող միակ թերթն է REPORTER. սա-կայն կ'ստացուին Նիու Եօրքի բոլոր թերթերն ալ միև-նոյն գներով ինչ որ ինիու Եօրք: Աստ կայ նաև Հասա-րակաց Զրի Գրադարան 3,305 Հատոր գրքերով, զորս ընթերցանութեան տալու և ետ առնելու համար Գրա-դարանը կը բացուի շաբաթը 3 անգամ, Գշ., Եշ. և Շբ. իրիկուններն ժամը 7-9. Իթիւ 327 Clinton Ave.: Առև-տուրի գլխաւոր փողոցն է (ը)Սփրինկ (ը)Սզրիլդ: Շո-գեկառքի գծեր չկան մէջը. բայց ունի ելեքարիկ կառ-քերու բաւական թուով գիծեր, որոցմով ձէրգի Սիթի-էն մինչև Նիու Արք և Փաթըրսըն կարելի է հասնիլ ջնջին գումարով մը: Նիու Եօրքի հետ կը հաղորդակցի Փօսթ Լիի, Ուելնգընի, Ուէսթ Շուի, Հօպօքընի և ձէրգի Սիթիի նաւամատոյցներէն:

Հայկական շրջանակներու մէջ
 Ուէսթ Հօպօքընը ճանչցուած
 ՀԱՅ ԳԱՂՈՒԹԸ է սոսկ ձէրգի անուամբ. զի
 (Պատմական) շուրջ քսան տարիներ առաջ,
 որ ատեն Միաց. Նահանգաց

մէջ գտնուող Հայերը հարիւրներով ալ դեռ չէին հաշ-ուուէր և ոչ ալ Ուէսթ Հօպօքընը ուշադրութեան ար-ժանի տեղ մ'էր եղած, Նիու Եօրքի մետաքսագործ Հա-յերէն փոքրիկ թիւ մը, մեծ մասամբ Տիգրանակերտցի-ներ, անցնելով Հըտսըն գետը, կը հաստատուին Նիու ձէրգի նահանգի, ձէրգի Գաղաքի Բարձունքներուն վը-

րայ, որը կը կոչուէր ձէրգի Սիթի Հայցս, զոր Հայեր ալ կրճատելով կը կոչեն ձէրգի*: Հայոց այս տեղ հաստատ-ուիլը գլխաւորապէս երեք պատճառներ ունէր, 1. Հա-յաստանի նահապետական խաղաղ քաղաքներէն եկող Հայը, չկրնարով սոկալ քաղաքակրթութեան գազաթ-նակէան հասած Նիու Եօրք քաղաքի ժխորին, ձէրգին կը գտնէր իրեն յարմար խաղաղ տեղ մը. 2. բայցթեայ և տժան ապրելու վարժուած Հայը, չկրնարով Նիու Եօր-քի սղքաակի թաղերու սեղմուած, նեղ ու գոց, մթին և պշգալի սենեակներուն մէջ մեծածախ ապրիլ, ձէր-գին կը գտնէր աւելի լայն և դիւրակեցիկ տեղ մը. և 3. ձէրգիի մետաքսի գործարանները Գաղղիացի կամ Գեր-մանացի գործատէրերու պատկանելով, մէջի թէ պաշ-տօնեայներն և թէ գործաւորներն մեծ մասամբ գործա-տիրոջ նորեկ հայրենակիցներ էին, որոնք ևս մեծ մա-սամբ Հայոց պէս ամուրի պանդուխտներ և նոյնչափ ալ տեղական լեզուին ու սովորութիւններուն անձանօթ, գիրար վիճակակից ու բաղդակից գտնելով, շուտով և իրարու կարեկից կը դառնային. այլ ևս ոչ մին միւսին վրայ կրնար խնդալ համարէն խօսելու առթիւ, ոչ մին միւսը կը մեղադրէր աղքատիկ կերպով հագուելու ու կենցաղավարելու մէջ և ասով Հայերը ձէրգիի մէջ ա-ւելի ազատ շուշ կրնային քաշել: Աստ բաղդատաբար գործերու լաւ ժամանակին, Տիգրանակերտցի Հայերը թէև թուով շատ քիչ իրենց բնական ձիւքերուն համե-մատ չուշացան Ազգային կազմակերպութեանց սկսիլ. հոս յաջորդաբար ծնան Նիւ ձէրգիի Հայկական Միութիւ-նը† և Ամերիկայի Հայերէն անդրանիկ Լրագիրը, Արե-գակ. սակայն գործարանատիրոջ մի նոր գործարան գը-նելովը Սթերլինկ, Ն. Ծ. Ի մէջ, ձէրգիի Հայերու կեդ-

* Տեղական Հայոց մէջ այժմ ձէրգի բնակիչ կը հասկց-ուի նոյնին հետ և յարակից դիւղերն, որը սոյն իմաս-տով գործածուած է այս տետրակին մէջ ալ:

† Այս Միութիւնը Նիու ձէրգիի Հայոց անդրանիկ ազգային կազմակերպութիւնն է (Հաստ. 1886 Հոկտ.) :

րոնն ալ ժամանակի մը համար փոխադրուեցաւ անդ. սակայն այն տեղի գրեթէ անտառային առանձնակեցութիւնն ալ շատ սիրելի չեղաւ Հայոց ուստի առաջին առիթէն սկսեցին ցրուիլ Փաթըրսըն, Մետաքսի Գաղաքը (այս անուն առած ըլլալով Միաց. Նահանգաց մէջ գլխաւորապէս գործարաններէն մօտաւորապէս $\frac{3}{4}$ ը այս քաղաքին մէջ գտնուելուն համար) և Ուէսթ-Հոպօքըն, ուր նորահաստատ Շուսպընպագ և Հիւպըր Զուիցերիացոց մետաքսի գործարանը մասնաւոր հրապոյր մը դարձաւ մետաքսագործ Հայերուն: Այս միջոցներուն (1889-1893) Ուէսթ-Հոպօքընը դեռ ևս չը շէնցած գիւղ մը կը ներկայացնէր. որոյ մէջ աշխատողներն ստիպուած էին բնակիլ առհասարակ կամ իւնիքն Հիլ կամ ձէրզի Սիթի Հայցս: Սոյն տեղերու Հայ երիտասարդներն այս տեղներուն մէջ ալ չկրնալով անտարբեր մնալ ժամանակի սղոյն, նոր եռանդով մը յառաջ բերին Հայոց Հայրենասիրական Միութեան Նիու ձէրզիի Օթեակն ութն անձերով, որմէ ևս ծնաւ Նիու Եօրքի Հայ Երիտասարդաց Թանգարանի Միութիւնը (այժմ Նիու Եօրքի Գրադարանի Միութիւն), որը ևս ուղղակի և անուղղակի ծնող դարձաւ Միաց. Նահանգաց մէջ այժմ սփռուած բազմաթիւ Հայերէն Գրադարաններուն և Լսարաններուն:

Վրայ եկան կոտորածներն, որ ատեն դարձեալ ձէրզիի Հայերն աննշան նպաստներ չըմատակարարեցին իրենց տառապեալ եղբարց: Ամեն մէկ քաղաքացիք կամ գիւղացիք իրենց ծննդավայրին մասնակի խոշոր խոշոր նպաստներ ընելէ իզատ չզլացան և իրենց լումաներն ընդհանուր հանգանակութեանց: Կոտորածներէն ազատուելով աստ հասնող մեծ մասամբ Տիգրանակերտցի թշուառներուն Ուէսթ-Հոպօքընը մեծ պատապարտն դարձաւ. իւր մետաքսի գործարաններէն մասնաւորապէս Շուսպընպագը, որը կաթողիկաց Մանասթրիին (վանք) մօտ ըլլալուն համար Մանասթրի գործարան անուամբ ձանչցուած է Հայոց մէջ, և ձիվռնուտը՝ ուր բազդաստամբ խիստ բազմաթիւ Հայեր թէ արհեստը սովբեցան

և թէ ստակ շահեցին, այդ միջոցին մէջ երկնառաք մը խիթարութիւններ դարձան թշուառութեան ու աղքատութեան մատնուած Հայերուն:

1897 ին Ուէսթ-Հոպօքընի Հայ գաղութին վրայ կ'աւելնար ուրիշ մի անդամ ալ, Տք. Յար. Թումայեան, բնիկ Տարսոնցի, նոր ընթացաւարտ եղած Պալթիմօրի Բժշկական Ուսումնարանէն: Այս երիտասարդն՝ ինկատի առնելով տեղւոյն Հայոց Գիշերային Վարժարանի մը պէտքը, թելադրուութեամբ Տիկ. Շէփըրտի և խորհրդակցութեամբ քանի մը կիլիկիացի Տաճկախօս հայրենակցաց, որոշեցին որ Երեկոյեան Վարժարան մը սկսելու ձեռնարկել. սակայն հարցում մ'էր թէ, Տիգրանակերտցի Հայ Երիտասարդութիւնը, որը տեղւոյն Հայոց մեծամասնութիւնը կը կազմէր ի՞նչ ընդունելութիւն պիտի ընէր այս հարցման. ասոր ալ կը պատասխանէր Տիար Պ. Ռ. Թորոսեան, բնիկ Տիգրանակերտցի, որը այն ատեն դեռ ևս ուսանող, պատահամբ սակայն հանդիպած էր Տք. Թումայեանի, ապահովցնելով այս վերջինս թէ իւր հայրենակից Երիտասարդութիւնը Անգլերէն սովբելու կը կարօտի և թէ պիտի գնահատէ ինչ որ լաւ, բարի ու օգտակար է. միեւնոյն ատեն իւր կողմէ ալ խոստանալով իւր ձեռքէն եկած ամեն աջակցութիւն չխնայել ինչպատ և յօգուտ մանաւանդ իւր հայրենակցաց զարգացման:

Տք. Թումայեան քաջալերուած այս բոլորէն խորհրդակցեցաւ այնուհետեւ Տիգրանակերտցի Երիտասարդաց ինչպէս նաև իւր եկեղեցւոյ քարոզչին (Արժ. Տիար Չարլըս Ա. Էվընս, Rev. Charles A. Evens) հետ, որը նոյնպէս սոյն ձեռնարկը քաջալերելով հանդերձ իւր ամբողջ ազդեցութիւնը գործածեց առաջին տեղւոյն կըրթական ժողովէն թոյլտուութիւն ստանալ թիւ 1 Հա-

‡ Այնթէպի նախկին բժիշկ ուսուցչուհի մը:

սարակաց վարժարանի մեծ սրահը շարժւած երեք երեկոյններ Հայոց տրամադրութեան տակ դուրս ելաւ, շնորհք մը որ զլացուած էր հաւասարապէս Գերմանացւոց, Գաղղիացւոց, Չուիցերիացւոց, Իտալացւոց, և այլն. կը շնորհուէր սակայն բացառիկ կերպով մի միայն Հայոց. երկրորդ՝ Հայոց իրեն մատուցած մի խնդրագրին* համեմատ, ձեռք բերել Ճէրզի Սիթիի Երիցական ժողովէն գումար մը դաստուի աշխատութեանն իբր վարձք վրձարուելու և երրորդ՝ Հայթայթել գումար մ'ալ կրօնական ժողովներ ընելու համար յատկացուելիք սրահի մը վարձքը վճարուելու :

1898 ի Փետր. ին բացուեցաւ Հայոց յատուկ Երեկոյեան վարժարանը, ուր կոչուած էր Տք. Թումայեան ուսուցանելու Անգլերէն շուրջ 20 երիտասարդներու և 10 պատանիներու. միեւնոյն ատենն ալ յատկացուեցաւ սըրահ մ'ալ կրօնական պաշտամանց ծառայելու. սրահի վարձքն ալ տեղւոյս Առաջին Երիցական Եկեղեցին ըստանձնեց վճարել : Այս սրահին մէջ կիրակի օրեր կրօնական պաշտամունքի փոխարէն, չզիտենք ինչ չամուղմամբ, սկսեցին լսարանական ժողովներ գումարել, ուր կ'երգուէին ժողովրդական երգեր, կը ճառախօսուէր առողջաբանական, գիտական և ուրիշ բարոյական նիւթերու վրայ : Ուսանողաց և ունկնդրաց մէջ սակայն կային Բողոքական և Լուսաւորչական բարեպաշտ երիտասարդներ, որոնք առաջին՝ դիտելով որ սրահը չէր ծառայէր այն նպատակին, որոյ համար խնդրուած ու յատկացուած էր և որով խարած կ'ըլլային մեր ազգի և իմասնաւորի տեղական Հայոց բարեացակամներն. երկրորդ՝ խորհելով որ շարժին անգամ մը զուտ կրօնական պաշտամանց ժողով մը կամ գէթ լսարանական ժողովին մէջ Ս. Գրքէն գլուխ մը կարդալ ու բացատրելը նոյնքան կարեւոր, օգտակար ու պատուաբեր պէտք մ'է Եւրոպայի ու Ամերիկայի մեր Քրիստոնէութեամբ և

* Որոյ բնագրի մանրանկար պատճէնը տեսնել տոյն տետրակին վերջը ա և բ երեսներուն վրայ :

կրօնասիրութեամբ պարծենցող Հայոցս համար, մասնաւոր հանրագրով* մը խնդրեցին Տք. Թումայեանէն որ լսարանական ժողովին մէջ կարդացուի Ս. Գրքէն գլուխ մը կամ հատուած մը ու երգուի կրօնական երգ մ'ալ : Տք. Թումայեան համակերպեցաւ հանրագրի ստորագրողաց և որոշեցին այնուհետեւ լսարանական ժողովներու բացման ատեն երգել կրօնական երգ մը ու կարդալ Ս. Գրքէն հատուած մը† : Այս որոշում գործադրութեան դրուած օրէն սկսեալ հակակիրներն մէկէն սկսեցին հակառակիլ. այս հակառակութիւնն† այն ատենի Տիգրիս

* Այս հանրագրի բնագիրը մեզ անհնար եղաւ տեսնել, բայց լսած ենք ստորագրողներու վկայութիւններն :

† Յաճախ բացազանչուած և լրագրաց մէջ հրատարակուած են որ ամեն օտարներէ օժանդակուած կրօնական կամ բարեգործական ձեռնարկ, որոց իշարքին այս Հաստատութիւնն ալ, միսիօնարական թակարդներ են Լուսաւորչականներն Բողոքականութեան ուսուցանին մէջ չգեղու. այս մէկ կէտին մէջ գէթ պարզ է տեսնել որ կրօնական պաշտամանց սկզբնաւորութեան այս առաջին քայլէն իսկ Հայեր իրենք են եղած իրենց պաշտամանց ձևերն որոշողներն և ոչ թէ թոշակ կամ սրահի վարձ վճարողներն :

† Այս հակառակութիւնն՝ որը այն ատեններ ծանօթ եղաւ իբր Լուսաւորչականներու մարտ մը միսիօնար խաչագողներու դէմ, իրօք Լուսաւորչականներէն չծնաւ, այլ կրօնի անտարբեութեան մօտաէն բռնուողներէն, որոնք Լուսաւորչական կրօնին ալ նոյնքան անտարբեր էին, բայց կը փորձէին Լուսաւորչական անունը շահագործելով ժողովուրդը գրգռել նախ Բողոքականութեան, յետոյ որ և է կրօնի դէմ. զի եթէ խնդիրը իսկապէս Լուսաւորչականներն Բողոքականներու հետ չերկրպագելու վրայ ըլլար, կրնային միևնոյն սրահին՝ բայց տարբեր ժամանակներու մէջ Լուսաւորչականներն իրենց ծէսով և Բողոքականներն իրենց ձևով պաշտամունքներ կատարել, որոյ համար ոչ մի արգելք կար : Տեսնել և երես 14 :

Թերթէն հրապարակաւ քաջալերուելով աւելի սուր ու կատաղի կերպարանք մը ստացաւ : Տիգրիս իւր բռնած այս ընթացքովն ալ չը գահանալով, իւր խմբագիրներէն մին հանդերձ մէկ քանի բարեկամներով կիրակի օր մը կը դրիէր լատանական ժողովոյն, անձամբ քաջալերելու խռովարար խմբին խառնակութիւններ յառաջ բերելու և անշուշտ որ աւելի մեծ կռիւներ տեղի պիտի ունենային եթէ Մր. էվընս լուրջ ու կտրուկ միջոցներ ձեռք չառնէր ոստիկանութեան ձեռադրեալ կեցնելու խռովարարներն իրենց ընելիքէն : 1898 ի Աշխան Տք. Թումանյան կը ձգէր Ուէյսթ Հոփօքընը վերաբառնալու համար իւր ցանկալի հարկերէն, կիլիկիա. ուր կոչուած էր աւելի լաւ պաշտօնի մը գլուխն անցնելով իւր հայրենակցաց օգտին ծառայելու :

ՀԱՅՈՑ ՄԻՍՅԵՍԼ ՀԱՍՏԱՏՈՒԹԻՒՆՆ

Տք. Թումանյանի մեկնելովն Երեկոյեան վարժարանն չը փակուելու և Լոսարան-Աղօթքի ժողովն չը լքանելու համար տեղւոյս Բաղդականաց, որոց մնացած էր (Լուսաւորչականաց գործէ քաջուելովը) ժողովներու և դպրոցի կառավարութիւնը, կը ներկայանար Տիար Պ. Ռ. Թորոսեան, նոր ընթացաւարտ Ն. Ե. ի Միաց. Աստուածաբանութեան Ռ. սուսնարանէն և Արտօնեալ Քարոզիչ Ն. Ե. ի Երից. Ժողովէն, խնդրելով որ առժամանակեայ կերպով իրեն յանձնուի գործը յառաջ տանելու պաշտօնը մինչ ցնոր կարգադրութիւն :

Տիար Թորոսեանի այս գիմուսն նոր շարժման մը ծնունդ տուաւ. Բողոքականք, Լուսաւորչականք և Դաշնակցականք հաւասարապէս ջանացին իւր դէմ հակառակութիւններ յարուցանել. առաջինք՝ զի Լուսաւորչականի որդի էր. երկրորդք՝ զի իւր մէջ կը տեսնէին անվեհեր և անվատ գործիչ մը որմէ կը վախցուէր թէ պիտի կրնայ մեծ թիւ մը Բողոքական ընել. մինչ վերջինք իւր ներկայութիւնը իրենց ազդեցութեան ջնջման չա-

րագուշակ նշան մը կը համարէին : Սակայն այս բոլորէն առանց վհատելու Տիար Թորոսեան յաջողեցաւ հուսկ ուրեմն առժամանակեայ կերպով ստանձնել սոյն գործի կառավարութիւնը 1898 Դեկտ. ի սկիզբը : Երեք ամիս վերջ Ն. Ե. ի Պրիք Երից. Եկեղեցւոյ և տեղւոյս Առաջին Երից. Եկեղեցւոյ միջև եղած մի հասկացողութեամբ Տ. Թորոսեան անուանուեցաւ սոյն գործին Տնօրէն-Տեսուչ. յորմէ հետէ նա իւր աշխատութիւնք հեազհետէ ընդլայնեց հետեւեալ դասակարգութեամբ,

- | | | |
|-----------|---|----------------------------------------------------------------------------------------------------|
| ԿԻՐՈՆԱԿԱՆ | { | Կիրակնօրեայ Պաշտամունք |
| | | » վարժարան |
| | | Աղօթքի ժողով |
| | | » » Տիկնանց |
| | | Ե. Ժ. Ք. Ը. Զ. Մանկանց |
| ԿԻԹԱԿԱՆ | { | Հայ. վարժարան և Մանկապարտէզ |
| | | » Դասախօս. Աղջկանց և Տիկնանց |
| | | Անգլ. » » » » |
| | | » » Երիտ. (Երեկ. վարժ.) |
| | | Գրական Ակումբ Մանչեսթրու |
| | | » » Աղջկանց |
| | | Զինուորական Մարզանք Մանչեսթրու
Կարի և Ասեղնագործ. Դասեր Աղջկանց
Փէննի Խնայող. Մնտուկ Մանկանց |

ԲԱՐԵԳՈՐԾԱԿԱՆ — Որբախնամ Ընկերութիւն
 և այս բոլորի իբր հաւաքական անուն մը տրուեցաւ Հայոց Միացեալ Հաստատութիւն անունը :
 Կ'արժէ աստ դիտել որ Տիար Թորոսեան իբր թուազաւոր պաշտօնեայ, կոչուած էր աստ շարժման անգամ մը քարոզելու և երեք երեկոյներ ալ ժամը 7-9 Անգլիկերէն դասեր տալու. ասոնք իւր պարտականութիւններն լինելով, լիովին կատարելէ վերջ, իւր պարտականութիւններէն դուրս ալ՝ սոսկ իւր ազգի յառաջդիմելուն, զարգանալուն և վիճակի բարեօգմանն օգնելու ցանկութեամբ, յօժարութեամբ ծառայած է տեղւոյս Հայոց

առանց յարանուանական և կուսակցական խարուժեանց, առանց որևէ շահի, միւննէթի, կամ ինքզինք խնայելու, նաեւ իբր Հայ Մանկավարժ, տիկնանց և օրիորդաց Անգլիերէնի Ուսուցիչ, ժողովրդի Քարտուղար, Թարգման և Գործակատար: Իբր Քարտուղար՝ նա գրած է իրեն դիմող Հայոց 146 Անգլիերէն ու 28 Հայերէն նամակներ, որոցմէ 2 ը Ասորոց, 10 ը Կաթոյիկաց, 21 ը Բողոքականաց և 141 ը Լուսաւորչականաց համար, հանդերձ \$1.71 ծախսով: Իբր Թարգման՝ նա տարած է բժշկի 13 հիւանդներ* 20 անգամ (3 անգամը Կաթ. 4 ը Աս. և 13 ը Լուս.), որոց համար և տուած է 51 ժամ ժամանակ ու \$4.51 ալ դրամ: Իբր Թարգման և Գործակատար՝ նա ծառայած է 76 անձերու 144 անգամ (3 անգամը Կաթ., 10 ը Աս., 27 ը Բող. և 110 ը Լուս.), որոց համար տուած է չուրջ 562 ժամ ժամանակ ու \$19.05 դրամ:

Տիար Թորոսեան այսքանով ալ չբաւականանալով ուզեց որ մեր Լուսաւորչական եղբայրներէն անոնք ալ, որոնք ժամ ու Ս. Պատարագ տեսնելը իրենց միակ հոգեւոր մխիթարութիւնը կը համարէին, չը վրկուին իրենց համոզման համեմատ եղած այս հրգեւոր մխիթարութենէն, և առ այս տեղւոյս Արժ. Տ. Վահրամ Քահանայի խնդրանաց վրայ մասնաւոր Թոյլտուութիւն ձեռք բերաւ որ միւլենոյն սրահին մէջ, ուր Բողոքականք իրենց պաշտամունք կը կատարէին, Լուսաւորչականք ևս իրենց յատուկ ժամանակի մը մէջ ժամերգութիւն կատարեն և Ս. Պատարագ մատուցանեն†:

Տիար Թորոսեանի բռնած այս նոր ընթացքին հետ և իւր ցոյց տուած անգուլ ու անդադար աշխատութիւնն, անկեղծ անձնուրացութիւնն, նիւթական զոհողութեանց յամենայնի պատրաստականութիւնն, և մասնաւոր իւր անխաչար ու ներող ոգին ոչ միայն յինքն գրաւեց Բողոքական ժողովրդեան խորին յարգանքն,

* Ասոնց մէջը չեն Օր. Գրիգորեանի տարածները:
 † Թոյլտուութեան գրի մանրանկար պատճէնը տեսնել սոյն տետրակին վերջը գ երեսին վրայ:

համակրութիւնն ու աջակցութիւնն, այլեւ մեր Լուսաւորչական եղբայրն, որոնք նորերեւոյթ սիրով մը մեր վարժարաններն լեցուցին իրենց զաւակներովն, մեր ժողովներն ու հանդէսներն պատուեցին իրենց ներկայութեամբն և մեր ձեռնարկներն ըստ կարի քաջալերեցին իրենց յօժարակամ նուիրատուութիւններովն. և ասով տեղւոյս Լուսաւորչականաց և Բողոքականաց միջեւ փոխադարձ նոր սէր և իրարու օգնելու նոր փափաք մը վերսկսաւ, որոյ անմանն, ուռճացմանն ու անընդհատ յարատեւութեանը համար խորտէ ցանկացող ու աղօթող ենք առ մարդասէրն Աստուած, որ ինքնին անըսպառ աղբիւրն է երկնանուէր սիրոյ:

ԿՐՕՆԱԿԱՆ ՊԱՇՏԱՄՈՒՆՔ

ՊԵՏՐՈՍ Ռ. ԹՈՐՈՍԵԱՆ, Քարոզիչ
 606 Malone St., WEST HOBOKEN, N. J.

ՄԱՐՏԻՐՈՍ ՏԻՐԱՏՈՒՐԵԱՆ } Սարկաւապներ
 ՆԻԿՈՂՈՍ ԳԱՔՐԻԷԼԵԱՆ }

ՀՈԳԱԲԱՐՁՈՒ ԺՈՂՈՎ

ՄԱՐՏԻՐՈՍ ՏԻՐԱՏՈՒՐԵԱՆ, Քարտուղար
 ՆԻԿՈՂՈՍ ԳԱՔՐԻԷԼԵԱՆ, Գանձապետ
 ՅՕՀԱՆՆԷՍ ԹԱՃԻՐԵԱՆ, }
 ՊԵՏՐՈՍ ՄՈՒՍՈՒԼԼԵԱՆ, } Խորհրդականք
 ՅՕՀԱՆՆԷՍ ՆՍՁԱՐԵԱՆ, }

ՆԻԿՈՂՈՍ ԳԱՔՐԻԷԼԵԱՆ } Երգեցողութեան
 ՊԵՏՐՈՍ ՄՈՒՍՈՒԼԼԵԱՆ } Առաջնորդք

Օրիորդ ՌԵԲԵԿԱՅ ԳՐԻԳՈՐԵԱՆ, Այցելու

Կիրակ. Պաշտամունք ամեն Կիրակի Առաւօտ ժամը	11 ին
» Վարժարան » » » »	9½ »
Աղօթքի ժողով » » Իրիկուն »	7½ »
» » Տիկնանց » Հինգշաբթի »	8 »
Ե. Ժ. Ք. Ը. Մանկանց Կիրակի օրեր Կ. Ե. »	3 »

1898 ի ամառը՝ Տ.թ. Թումայեանի օրով, լարանին մէջ Ս. Գրքէն գլուխ մ'ալ թող կարդացուի են. պահանջող հանրագրի գլխաւոր ստորագրողներէն մին էր Տիար Պետրոս Մուսուլլեան. որը տեանելով որ կրօնի անտարբերներն խառնակութիւններ հանելէ վերջ, խրմբովին ետ քաշուելով, սկսեցին ծաղր ու ծանակ ընել այն որ համարձակէր այդ ժողովներէն միոյն ներկայ գլուխուիլ, կրկնապատիկ ջանքերով հաւաքեց խումբ մը Բողոքական Հայեր և ասոնց համակիր Լուսաւորչականներ ու Ասորիներ և կարգադրեցին Տ.թ. Թումայեանի հետ որ նոյն սրահին մէջ, Բողոքականաց յատուկ ձեւով կանոնաւոր Աղօթքի ժողով մը սկսին: Այս աղօթքի ժողովները լաւ շարունակուեցան Տ.թ. Թումայեանի մեկնելէն վերջ ալ մինչև Տիար Թորոսեանի գալը, որ ատեն ինք ի փոխարէն սկսեց կանոնաւոր Կիրակնօրեայ Պաշտամունք, ըստ Բողոքական դրութեան: Տիար Թորոսեանի առաջին քարոզին (Փետր. 5, 1899) ներկայ էին 8 Բողոքական անձինքներ միայն, երկրորդին՝ 5 Բող. և 1 Լուս. այնուհետև հետզհետէ սկսեցին աճիլ: 1899 Մարտ 1էն սկսեալ կանոնաւոր սոմարներ ու արձանագրութիւններ սկսուեցան բռնուել մասնաւոր քարտուղարներու պատասխանատուութեան տակ, որոնցմէ կը քաղենք հետևեալ թիւերն,

Եկեղեցւոյ անդամակցած են	{ <table border="0"> <tr> <td>Նամակով</td> <td>8</td> </tr> <tr> <td>Դաւանութեամբ</td> <td>16</td> </tr> </table>	Նամակով	8	Դաւանութեամբ	16
Նամակով		8			
Դաւանութեամբ	16				
	Գումար	24			
Մկրտութիւն		3			
Պսակ		2			
Թաղում		2			

Կիրակնօրեայ պաշտամանց ներկայ եղողներու միջին թիւն է եղած 35 անձինք:



Եկեղեցական Երկրագործ

ՄՈՒՏՔ, Կիր. Պաշտ. հանգանակութիւններէն	\$89.85
Կիրակնօրեայ Վարժարանէն	6.49
Այլևայլ պատահական աղբիւրներէ	8.35
Գումար	\$104.69

ԵԼՔ,	Ընթացիկ ծախսաց վճարում	\$94 13
	Աղքատ հիւանդի	4.50
	Տեղւոյս Որբախնամ Ընկ.	1.96
	Հաշուեկիլիս (Կանիիկ Դրամ)	4.10
	Գումար	\$104.69

ՊԵՏՐՈՍ Ռ. ԹՈՐՈՍԵԱՆ, Գարոզիչ
ՆԻԿՈՂՈՍ ԳԱՅՐԻԷԼԵԱՆ, Գանձապետ

Դիտ. — Հայ ժողովուրդը մինչև ցայսօր ոչ մի սէնթ վճարած է Տ.թ. Թումայեանի, Տիար Թորոսեանի, կամ Օր. Գրիգորեանի ամսաթոշակներուն իհաշիւ:

1004
1599

Ս. ՀԱՂՈՐԴՈՒԹԻՒՆ

Ս. Հաղորդութեան Խորհուրդը առաջին անգամ տեղի ունեցաւ Հաստատութեան սրահին մէջ իմեծ մըխիթարութիւն ժողովրդեան, 1900 Սեպտ. 30, Խաչվերացի օրը. այնուհետև սկսաւ մատակարարուիլ Նոր Տարիի առաջին՝ Չատկի՝ Վարդավառի և Խաչվերացի Կիրակիներուն:

Հաստատութիւնս՝ իւր Ս. Հաղորդութեան առաջին մատակարարութեան առթիւ շնորհակալութեամբ ստացած է զայդ մը Հաղորդութեան Սեղանի սիւսոցներ տեղւոյս Առաջին Երիցական Եկեղեցւոյ Տիկնայց Օժանդակ Ընկերութենէն:

ԿԻՐԱԿՆՕՐԵԱՅ ՎԱՐԺԱՐԱՆ

ՊԵՏՐՈՍ Ռ. ԹՈՐՈՍԵԱՆ, ՏԵՍՈՆԶ

ԳՈՒՐԳԷՆ ԳԱՔՐԻԷԼԵԱՆ, Բարսուղար և Գանձապետ

ՈՒՍՈՒՑԻՉՔ

Օրիորդ Ռ. ԳՐԻԳՈՐԵԱՆ, Արանց և Տիկնանց կարգին.

Պ. Ռ. ԹՈՐՈՍԵԱՆ, Պատանեկաց և Աղջկանց »

ՊԵՏՐՈՍ ՄՈՒՍՈՒԼԼԵԱՆ, Փոքր Տղայոց »

Օրիորդ Լ. ԳԱՔՐԻԷԼԵԱՆ, » Աղջկանց »

Օրիորդ Է. ՄՈՒՍՈՒԼԼԵԱՆ և Ա. ԹԱՃԻՐԵԱՆ,

Փոքրիկ Տղայոց կարգին:

ԴԱՇՆԱԿԱՀԱՐՔ

Օր. է. Մ. ԷՏՈՒԷՐՏՍՍ (Miss EDNA MARION EDWARDS.)

Օր. Պ. ԲԻԶԱՆՍՐԵՆ

Կիրակնօրեայ Վարժարանն սկսուեցաւ Տիար Թորոսեանի գալովն և իւր իսկ ջանքերովն, նպատակ ունինալով ներշնչել Հայ մանկանց զուտ Քրիստոնէական սէր, ընտելացնելով գիրենք Քրիստոսի կեանքին և անոր ցոյց տուած առաքինութեան ճամբուն հետ. ծնողաց կամ մանկանց թողլով որ ինքնին ընտրեն իրենց ապագայ յարանուանութիւնը կամ եկեղեցին: Սոյն Վարժարանը սկիզբէն մինչև ցայսօր կատարեալ յաջողութիւն մ'է եղած. մանկունք ոչ միայն սիրով կը յաճախեն աստ, այլ և ժամանակին ճշդապահ՝ երգեր ու շարականներ սովորելու հետամուտ՝ և դասերուն հետաքրքրութեամբ ունկնդիր են:

Կիրակնօրեայ Վարժարանի տօմարին մէջ արձանագրուած կը գտնենք

Մանչ տղայք (14 Բող., 2 Կաթ., 31 Լուս.), 47

Աղջիկներ (12 Բող., 25 Լուս.), 37

Գումար..... 84

Միջին հաշուով ամէն մէկ Կիրակի ներկայ գտնուած են,

Դասատուք, 4

Մանչ տղայք, 15

Աղջիկներ, 10

Տիարք, 5

Տիկնայք, 3

Գումար 37

ԵԼԵՒՄՈՒՏՔ

ՄՈՒՏՔ, Կիր. Վարժ. Հանգանակութիւններէն, \$20.76

ԵԼՔ, Կիր. Վարժ. յատուկ ընթացիկ ծախուց, \$11.42

Սղքատ հիւանդի յատկացուցած, .50

Ն. Ճ. Որբախնամ Բնկերութեան նուիրած, 2.35

Եկեղեցւոյս ծախուց իմանակցութիւն վճարած, 6.49

Գումար, \$20.76

ԳՈՒՐԳԷՆ ԳԱՔՐԻԷԼԵԱՆ, Բարսուղար և Գանձապետ

ՄԱՏԵՆԱԴԱՐԱՆ

Կիր. Վարժարանն ունի Մատենադարան մ'ալ շուրջ 120 Անգլիերէն՝ և 18 Հայերէն հատորներով, որոնք ընթերցանութեան կը արուին ամեն անձի առանց որեէ վարձի: Մատենադարանն շնորհակալութեամբ ստացած է հետեալ գրքերն ինուէր. և աւելին ալ խիստ սիրով պիտի գնահատէ:

Տիար Պ. Ռ. Թորոսեանէ

1 Խենդը, (Բաֆֆի):

5 Պատկերազարդ Տետրեր, (Կարմիր Գլխարկ, Կիւլիվէրի ձամբորդութիւնը, Մսխրատիտիկ, Ճշմարտութիւնը Միշտ յաղթում է, Լուսերեսիկ):

Ուէսթ Զօպօքընի և Նիօւ Ճէրզիի Y. W. C. T. U. էն,
Ծնորհիւ Օրիորդ Էտուէրասի

- 1 Նմանութիւն Քրիստոսի,
- 1 Զրօսարան Մանկանց, (Ա.—Զ Հատորներ),
- 1 Առաքինի և Քաղաքակիրթ Պատանի,
- 1 Աննա կամ Սէր Ծնողաց,
- 1 Աղբար Թովմաս, (Ա. և Բ Հատորներ),
- 1 Նկարագրութիւն Վարուց Երևելի Արանց,
- 1 Զէսթըրֆելտ, Խրատք առ Որդին Իւր,
- 1 Սիլվիոյ Փէլլիքոյ.
- 1 Ռօպէնսոն Քրիստէ,
- 34 Թերթ The Atlantic Monthly, Mrs. Smith էն,

Օրիորդ Է. Մ. ԷՏՈՒԷՐՏՍԻ ՄՐՑ ՆԱԿՆԵՐՆ

1900 Մարտ ամսի վերջին Կիրակէին Կիր. Վարժա-
րանիս գլխաւոր դաշնակազար Օր. Էտուէրաս՝ մասնա-
ւոր բարեսրտութեամբ մը, իւր հետ բերելով քանի մը
կտոր գրքեր յանձնեց տեսչին խնդրելով որ իբր մրցա-
նակ արուին Կիր. Վարժարանի աշակերտաց. տեսուչն
ալ թէ աշակերտաց մերթ ընդ մերթ քաջալերութիւն
մը լինելու՝ և թէ նուիրատուի բարեսրտութիւնը մշտա-
պէս գնահատած ըլլալու համար, կարգադրեց որ ամեն
եռամսեայի վերջին Կիրակէին սովորական քաղուածքի
փոխարէն մրցումներ լինին հետեւեալ նի թերուն վրայ,

- 1. Նոյն եռամսեայի Կիր. դասերու Ոսկեղէն Բնարանե-
րը Հայերէն գոց ըսել,
- 2. Սոյնը Անգլիերէն գոց ըսել,*
- 3. Նոյն եռամսեայի Կիր. դասերու Ճշմարտութիւնները
Հայերէն գոց ըսել,
- 4. Սոյնը Անգլիերէն գոց ըսել,*
- 5. Մ. Գրքին մէջ արագութեամբ վկայութիւններ գտնել
- 6. Տասնաբանեայ Պատուիրաճըներն Հայերէն գոց ըսել,
- 7. Հայր մերը Հայերէն գոց ըսել, (Փոքրերուն յատուկ)

* Հայերէն կարգալ գրել չը գիտցողներուն համար:

տանար Օր. Էտուէրասի անուան նուիրուած մրցանակ-
ներէն մէյ մէկ գիրք:

- Այս մրցանակներէն ցարդ շահած են հետեւեալք,
- Օր. 1. Գարբիէլեան, Օր. 2. Չանգալեան,
- Օր. Պայճառ Սարաֆեան, Յանիմէ Մուսուլլեան,
- Գուրգէն Գարբիէլեան Տիգրան Թաճիրեան,
- Լևոն Գազաֆեան, Միհրան »
- Խորէն Չանգալեան, Կարապետ Գազազեան,

ՏԻՕԻԻ ՀԱՄԱԶԳԵՍ ՄՐՑԱՆԱԿՆԵՐՆ

1899 ին մինչ Միաց. Նահանգաց մէջ կ'ուզէին ամեն
բան Տիօւի կոչել, համանուն ծովակալի Սպանիոյ վրայ
տարած յաղթութիւնը յաւերժացնելու համար, տղայոց
համար ևս նորաձև համազգեստ մը հրապարակ ելաւ
Տիօւի անուամբ, որը շինուած էր հասարակ կապոյտ կը-
տաւէ ճերմակ ժապաւէններով զարդարուած: Այս հա-
մազգեստն հագնելը տղայոց պարժանք մը կը համարուէր
այն տարի և խիստ ընդհանրացած էր: Մեր Կիր. Վար-
ժարանն ալ այն ատեններ նոր բացուած ըլլալով, և Տ.
Թորոսեան ուղեւով տղայոց ժամանակի ճշդապահութիւն
սովորեցնել, խոստացաւ մէյ մէկ Տիօւի համազգեստ*

* Ցաւալի է որ այս առթիւ այդ ժամանակին Դաշնակ-
ցութեան երկրորդ օրգան եղող Հայրենիքի խմբագիրը
իւր թերթին մէջ, և վերջերս ալ նոյն կազմակերպու-
թեան արիշ գործիք մը, ճշմարտութիւն չը սիրող վար-
դապետ մը, դարձեալ միևնոյն թերթին մէջ, այս դէպ-
քը բացատրած է ին իբր Տիար Թորոսեան Ամերիկեան ե-
կեղեցեաց մէջ ատենախօսութիւններ՝ և ինպատան Հայ որ-
բոց հանգանակութիւններ րրած և արդիւնքի մէկ մա-
սովը համազգեստներն շինած և նուիրած էր հարուստ-
ներու զուակաց, ևն.: Այդ յօդուածագիրներէն բնա-
կանաբար ոչինչ տեսլի կրնայինք սպասել. սակայն մեզ
հետ միասին Տիար Թորոսեանը մօտէն ճանչցողները լաւ
գիտեն որ նա մինչև ցայժմ ոչ մի տեղ և ոչ մի առթիւ
դրամով կամ հանգանակութեան մը համար խօսած ու-
նի. և սոյն մրցանակներն իսկ, ըստ իւր սովորականին,
իւր անձնական քսակէն գնած և ինք անձամբ կարած
ու նուիրած էր իբր մրցանակ զայնս շահողներուն:

ազայոց՝ և նմանօրինակ զգեստ մ'ալ աղջկանց յատուկ, Զատիկի օրը տալ անոնց, որք Մեծ Պահոց ամեն կիրա- կիններուն ճիշդ ժամանակին դպրոց գտնուին:

Այս մրցանակներէն շահողներն եղան հետեւեալք,
Գար. Գաբրիէլեան, Գուրգէն Գաբրիէլեան,
Նևտոն » Աւետիս »
Երուանդ » Խորէն Չանգալեան,

և չորս աղջիկներ:

ԱՂՕԹՔԻ ԺՈՂՈՎ

Այս ժողովը վերսկսուեցաւ իհոգեւոր շինութիւն ժողովրդեան 1900 ի Ամրան Չորեքշաբթի երեկոյները. սակայն նկատելով որ այրերուն մեծ մասը չէին կարող ներկայ գտնուիլ, ժողովրդի ցանկութեան համեմատ որոշուեցաւ այնուհետեւ կիրակի երեկոյներ ընել, որ ա- տեն ներկայից թիւը զգալի կերպով աճեցաւ:

Աղօթքի ժողովէն անմիջապէս վերջն ալ Հաստա- տութիւնս որոշած էր ունենալ Ընտանեկան Խօսարան մը ուր ներկայք կարենան աւելի երկար մնալով իրարու հետ տեսակցիլ իբր ընտանիքի մը անդամներ, օրուան հե- տաքրքրաշարժ խնդրոց վրայ տեղեկութիւններ և բա- ցատրութիւններ արուին ի հմտութիւն և ի զարգացումն ժողովրդեան, ու երգեր երգուին յուրախակցութիւն ներկայից: Այս ժողովներն լաւ գնահատուելով հան- դերձ, օգտակար արդիւնքներ ունեցան:

ՏԻԿՆԱՅՅ ԱՂՕԹՔԻ ԺՈՂՈՎ

Այս ժողովն սկսուեցաւ 1899 ի Աշնան մասնաւորա- պէս գեղեցիկ սեռի զարգացմանն ու հոգևոր շինութեանն համար և տեղի կ'ունենար կիրակի օրերն, քարոզի պաշ- տամունքէն անմիջապէս վերջը. քիչ առանձն որոշուե- ցաւ որ ժողովները տուներու մէջ լինին ամեն շինգլաբ-

թի երեկոյները, ուր աղօթքէ վերջը կարենան աւելի երկար մնալ և գիրար ընկերական տեսակէտով ևս բարձ- րացնել: Արդիւնքն իսսա գոհացուցիչ եղաւ:


Այս ժողովներու յաջողութիւնը կը պարտինք նախ Աստուծոյ օրհնութեանն, յետոյ Տիկին Մաքուր Գաբ- րիէլեանի եռանդուն գործունէութեան:

1900 ի Յուլիսէն սկսեալ այս ժողովներուն սկսաւ առաջնորդել Օր. Ռ. Գրիգորեան. որը գուցէ կարենար աւելի օգտակար ըլլալ եթէ Հայաստան եղած ըլլար:

Այս ժողովներուն ներկայ գտնուած են միջին հաշ- ւով 13 անձինք:

Ե. Ժ. Բ. Ը. Զ. Մանկանց

Այս հաւաքումը սկսուեցաւ Չանիւք և նախաձեռ- նութեամբ Օր. Ռ. Գրիգորեանի 1901 ի սկիզբներ ու լաւ ապագայ մը կը խոստանար. բայց հազիւ 3-4 հաւաքում- ներ էին տեղի ունեցած, փակուեցաւ մեզ անյայտ պատ- ճառներով:



ԱՆԴՐԱՆԻԿ ՀԱՅ ՎԱՐԺԱՐԱՆ

ԵՒ ՄԱՆԿԱՊԱՐՏԵՋ

ԿՐԹԱԿԱՆ ՀՈԳԱԲԱՐՁՈՒ ԺՈՂՈՎ

ԳՐԻԳՈՐ ԳԱՔՐԻԷՂԵԱՆ, Նախագահ
 ԹՈՒԽՄԱՆ ՈՍԿԵՐՁԵԱՆ, Բարտուղար
 ԵՐԵՄԻԱ ԳԱՂՈՒՍՏԵԱՆ, }
 ԿԻՐԱԿՈՍ ԳԱՎԱՅԵԱՆ, } Խորհրդականք
 ԿՕՋՄԱՆ ԵՌՈՒՆԻ, }

— ՈՒՍՈՒՑԻՉՔ —

ՊԵՏՐՈՍ Ռ. ԹՈՐՈՍԵԱՆ, ԳԱՐԵԳԻՆ ՄԱՆՈՒԿԵԱՆ,

Տարբեր ժամանակներու մէջ

Օգնական ՌԵՍՈՒՆԳԻ պաշտօն վարած են

ՊԱՅԾԱՌ ՄՈՒՍՈՒՂԼԵԱՆ, ԳՈՒՐԳԷՆ ԳԱՔՐԻԷՂԵԱՆ,
 ՋԱՐՄԱՆ. ՋԱՆԿԱԼԵԱՆ, ԳԱՔՐԻԷՂ ԳԱՔՐԻԷՂԵԱՆ,
 ՍԱԹԵՆԻԿ ԵՌՈՒՆԻ, ՏԻԳՐԱՆ. Թ. ՈՍԿԵՐՁԵԱՆ,

Վարժարանը բաց է հետեւեալ ժամերուն,

Սեպտեմբեր 1 էն մինչ Յունիս 30,

ամեն օր, բացի Շաբաթ, Կիրակի և Տօն օրերէ,

Կէսօրէ ետք ժամը 3—6½.

Յուլիս 1 էն մինչ Օգոստոս 31,

ամեն օր, բացի Շաբաթ, Կիրակի և Տօն օրերէ,

Առաւօտեան ժամը 9—12½:

Անուրանալի ճշմարտութիւն մ'է որ Հայ գաղթականութիւնը այս երկրին մէջ իւր գոյութիւնը կորսնցնելու վտանգին աւելի մօտ է քան ուրիշ մի որեւէ երկրի մէջ. և եթէ մասնաւոր ջանք մը չըլինի Հայ գաղթականութեանց մէջ գէթ Հայերէն լեզուի գոյութիւնը պահպանելու, վտանգը անխուսաբելի պիտի ըլլայ: Նկատուած է որ Միաց. Նահանգաց ամեն կողմը, Հայ տղայք

եթէ իրենք իրենց թողուն, առ առաւելն երկու տարիէն ոչ միայն կ'օտարանան իրենց մայրենի լեզուն հետ այլ իսպառ անկարող կ'ըլլան Հայերէն խօսելու: Քիչ չեն այն ծնողներ ալ, որոնք ինքնին կը քաջալերեն իրենց զաւակաց այս ընթացքը, այն խարուսիկ յոյսով որ իրենք ալ իրենց զաւակներէն պիտի կրնան Անգլիերէն սովորի: առանց գիտնալու որ անոնցմէ մեծ մասի խօսածը փողոցային խաղերու վերաբերեալ պարզ խօսակցութիւններ են միայն, որոնք ոեւէ կերպով ծնողաց համար գործածելի լեզու մը չեն կրնար ըլլալ:

Իրաց այս տխուր և ողբալի վիճակն ամեն կողմ և ամեն դասակարգի Հայոց մէջ զգալ տուաւ Հայ վարժարանի պէտքը. ամեն ոք հաւասարապէս կը ձայնէր Հայերէն Դպրոց, բայց ոչ ոք կը համարձակէր Հայերէն վարժարան մը բանալու դժուարութեանց ու հարկ եղած նիւթական զոհողութեանց ենթարկուիլ: Պարզ կերպով կը տեսնուէր թէ 1. Հայ ժողովուրդը դեռ ևս դպրոցի մը ծախսերը հագալու չափ հարուստ չէ, 2. Հայ ընտանիքներու ցրուած դրութիւնը մեծ դժուարութիւն մ'է դպրոցի մը մէջ մասնաւոր թուով մը Հայ զաւակներ հաւաքելու, և 3. ներկայ յարանուանական և կուսակցական պառակտիչ, քայքայիչ և վհատեցուցիչ, կեղտոտ, անխիղճ և մահահրաւէր սլաքներուն տակ գործելու համար մէկի մը դիւցազնական արիութիւն է հարկաւոր: Այդ ամեն կը թուի թէ բաւական չեղան Տիար Թորոսեանը կասեցնելու իւր Հայերէն վարժարան մը բանալու նպատակէն. իւր նշանաբանն կը թուէր ըլլալ միայն յառաջ. ուստի և առանց երկնչելու իւր վրայ ամպրոպի մը պէս տեղացած յարանուանական և կուսակցական սլաքներէն, կատարեալ յանդգնութեամբ մը Հաստատութեանս հովանաւորութեան տակ բացառ Ամերիկայի Անդրանիկ Հայ վարժարանն* 1899 Յուլիս 5, առաւօտեան ժամը 9 ին, յաճախ ինքնին միայն դասախօսե-

* Դիտելու արժանի է որ տարօրինակ զուգադիպութեամբ մը ինչպէս Ամերիկայի Անդրանիկ Լրագիրը,

լով. կարճ ժամանակի մը համար միայն կրցաւ ձեռք բերել Տիար Գարեգին Մանուկեանի պատուական աջակցութիւնն, որը խիստ արդիւնաբեր և գնահատելի եղաւ :

Վարժարանիս թէ Ուսուցիչք և թէ Օգնականք շատ քիչ բացառութեամբ, ձրի են աշխատած. թոշակաւոր եղողներն ալ այնքան ջնջին թոշակ մ'են ստացած, որոց իբր թոշակաւոր յիշուիլն անգամ չարժեք :

Ինչպէս ամեն լաւ բան, նոյնպէս Անդրանիկ Հայ Վարժարանը իւր ընթացքին մէջ ունեցաւ և իւր հակառակորդը, Ազգային Վարժարան անուամբ, որը ծնաւ ոչ իբր մրցմամբ օգտակար լինելու, այլ Անդրանիկ Հայ Վարժարանը տապալելու համար. բայց ինչպէս ամեն կիրքէ ծնածը կիրքի տեղութեան չափ կ'ապրի, նոյնպէս և այդ վարժարանն չըկրցաւ բացառութիւն մ'ըլլալ :

Միւս կողմէ մեր Վարժարանն իւր հաւատարիմ ու յարատեւ աշխատութեամբ կատարեալ յաջողութիւն գըտաւ : Մանկավարտէզն իմասնաւորի խիստ գրուիչ և օգտակար է եղած : Քարտ կարել և կարած քարտիրու

ԱՐԵՎԱԿ, Տիգրանակերտցւոյ մը (ՀԱՅԿԱԿ Յ. ԻԿՆԵՆՆԵՆ) ջանքովը և այս տեղ ծնաւ, ինչպէս Ամերիկայի Անդրանիկ Հայ Գրադարանը, թեթեգրութեամբ ան մահն ՄԿՐՏԻՉ ԱԻՆՏԻՍԵԱՆԻ և նախաձեռնութեամբ Տիգրանակերտցւոց ու այս տեղ ծնաւ, նոյնպէս ալ Հայերէն լեզուի պահպանման այս փարսը Տիգրանակերտցւոյ մը ջանքովը ու այս նոր աշխարհի Տիգրանակերտին, Ռէսթ Հօպօքընի մէջ, կանգնեցաւ : Հարկ չէ հեռաւան մը լինել, գուշակելու թէ Ամերիկայի ապագայ Հայ գաղթականութիւնը մասնաւոր յարգանք և համակրութեամբ կ'ալտի յիշատակէ Տիգրանակերտցի Հայ գաղութը, որոյ երիտասարդութիւնը աննպաստ պարագաներու տակ անգամ չմոռցաւ պարտաճանաչ գտնուիլ դէպ իւր ազգութիւն. հրաժարելով պահ մը դրամ գիզելէ, զուարճութեանց ետեւէ վազելէ, ապագային մեծ մարդ մը հոչակուելու փառասիրութենէ, հայրն, որոց աստղարէզներն ինչպէս ուրիշներու՝ նոյնպէս իրենց համար բաց էին. մինչ փոխարէնը իրենց ժամանակն, դրամն և բոլոր ջանքերն գոհեցին Հայ ազգի գոյութեան պահպանմանը օժանդակելու :

փոխարէն նուէրներ ստանալու դրութիւնը 3 տարեկան փոքրիկներն անգամ սիրով կը վազեցնէր դպրոց, ուր շուրջ 3 ժամ սիրով, հլու թեամբ և համբերութեամբ կը կարէին. միեւնոյն ատեն սովորելով հաշուիլ Հայերէն լեզուին հետ :

Իսյ առթիւ պարաք կը համարինք մեր շնորհակալիք յայտնել տեղւոյս այն ամեն Հայ ծնողաց, որոնք չեն դադարած կրցածնուն չափ մեզ խրախուսելէ :

Ամերիկայի Անդրանիկ Հայ Վարժարանի տոմարին մէջ արձանագրուած կը գրանենք 3—16 տարեկան, Մահչնր (13 Բող., 2 Կաթ., 2 Աս., 30 Լուս.), 47 Ազջիկներ, (9 Բող., 1 Աս. 21 Լուս.), 31

Գումար 78

Միջին հաշուով օրական ներկայ գտնուած են,	
Մանչ տղայք 15, Ազջիկներ 10, Գումար 25	
Մէկ օրուան մէջ ներկայից ամենաբարձր թիւն է եղած 40	
» » » » ամենացած » » » 11	
» » » ներկայ տղայոց բարձր » » » 25	
» » » » ամենացած » » » 6	
» » » Աղջկանց բարձր » » » 18	
» » » » ամենացած » » » 3	

ԿՐԹԱԿԱՆ ՄՐՑԱՆՍԱԿՆԵՐ

Տարին երկու անգամ, Ս. Ծննդեան և մեր Թարգմանչաց Տօնին, տեղի ունեցած են Կրթական Մրցանակաբաշխի Հանդէսներ, որոց մանաւանդ առաջնոյն մասնաւոր ջանք մը տարուած է որ ամեն մէկ Հայ երեխայ (Հաստատութեանս հետ կապ չունեցողներն անգամ), նուէր մը ստանայ. մինչ մեզ հետ կապ ունեցողներն կանոնաւոր մրցմամբ շահած են իրենց մրցանակներն :

Այս մրցանակներէն յիշատակութեան արժանի չափներն եղած են հետեւեալք,
Աշոտ Գազաֆեան (7 տարեկան) — — ԱՐԾԱԹ ՄԵՏԱԼ Արշակ » (9 ») Գերմ. Արծաթ Մետալ Կարապետ Գազազեան (7 ») » » » »

ՀԱՅԵՐԷՆ ԴԱՍԱԽՈՍՈՒԹԻՒՆ ՕՐԻՈՐԴԱՅ ԵՒ ՏԻԿՆԱՅՑ
ՆՐԵՔՂԱՔԹԻ, Հինգշաբթի և Շաբաթ ժամը 10-11 Կ. Ա.

Տիար Թորոսեան բաւական չը համարելով փոքրե-
րուն Հայերէն սովրեցնելը, յօժարակամ ստանձնեց Հա-
յերէն սովրեցնել նաև իգական սեռէն անոնց ալ, որոց
գլխերին և պատշաճ չէր դպրոց գալը. այս կերպով ալ
երկու Տիկիններ և մէկ Օրիորդ սկսեցին Հայերէն սով-
րիլ, որոց եռանդը և յաջողակութիւնը գովելի էին.
սակայն՝ շուրջ տարի մը վերջ, իրենց բնակավայրի կամ
առողջութեան փոփոխութիւնն արգելք եղան իրենց յա-
րատելութեանն. բայց յուսալի է որ թէ իրենք և թէ
իրենց նմաններն պիտի չդադարին աշխատելէ մինչև լաւ
սովրին Հայերէն կարգալ ու գրել:

ԱՆԳԼ. ԴԱՍԱԽՈՍՈՒԹԻՒՆ ՕՐԻՈՐԴԱՅ ԵՒ ՏԻԿՆԱՅՑ

Երկուշաբթի, Զորեքշաբթի և Ուրբաթ օրեր,

Կէսօրէ ետք ժամը 3-5:

Ինկատի ունենալով որ տեղւոյս Հայ իգական սեռը
չատ քիչ բացառութեամբ գործարանի մը հետ գործ ու-
նի, անոր համար ալ Անգլիերէն գէթ քանի մը բառեր
թոթովելին կենսական պէտք մ'է իրենց, Տիար Թորոս-
եան ասոնց ալ այս ձեւով օգնած ըլլալու համար, կող-
մեց այս կարգը 1899 Մարտ 6 ին, որուն դարձեալ սկսեց
անձամբ դասախօսել, որը տեւեց աւելի քան 8 ամիսներ.
որմէ վերջ տեղւոյ և դրազմանց անյարմարութեան պատ-
ճառաւ ստիպուեցան դադարեցնել մինչև աւելի նպաս-
տաւոր պարագաներու ներկայանալը:

Այս կարգի տօմարին մէջ արձանագրուած կը գըտ-
նենք 10 Տիկիններ և 8 Օրիորդներ:

ԵՐԵՎԱՆԻ ՎԱՐՎԱՐԱՆ

(Անգլիերէն Դասախօսութիւն Հոյ Գործաւորաց):

Երկուշաբթի, Զորեքշաբթի և Ուրբաթ, ժամը 7½-10:

Այս վարժարանը Տք. Թումայեանի սկսածն էր որ
կը յարատեւէր և որոյ կարեւորութիւնն ու օգտակարու-
թիւնն անփիճելի են: Տիար Թորոսեանի օրով միայն,

այս վարժարանի տօմարին մէջ արձանագրուած կը գըտ-
նենք 40 անձինք, որոցմէ 4ը միայն գովելի յարատեւու-
թիւն մ'են ունեցած: Ամեն մէկ իրիկուն ներկայից մի-
ջին թիւն է եղած 9:

Ցանկալի էր որ Հայ երիտասարդք դատարկաբանու-
թենէ նախապատիւ համարէին երկրի տիրող լեզուն սով-
րիլը, որով միայն պիտի կարողանան կանոնաւոր արհես-
տի մը տիրանալով բարեք ապրուստ մը հայթայթել:

ԿՐԹԱԿԱՆ ԵԼԵԻՄՈՒՏՔ

ՄՈՒՏՔ, Ուսանողաց Շաբաթավճարներէ,	\$ 8.50
Գրասեղաններու տոթիւ հանգանակուած,	41.
Երեկոյ. վարժարանի 1900 ի մուտքերէն,	11.
Հաշուկշիւ, (Տ. Թորոսեանի անձնական քսակէն)	471.56
Գումար,	\$532.06

ԵԼՔ,	Գրասեղաններու,	\$ 42.
	Հայերէնի Օգ. Ուսուցիչներուն,	59
	Ձայնագրութեան Ուսուցչին,	10.
	Հայ. և Անգլ. Դասագրքերու,	79.90
	Թղթեղէններու,	91.98
	Մրցանակներու յատկացուած,	249.18
	Գումար,	\$532.06

ԳՐԱԿԱՆ ԱԿՈՒՄԲ ՄԱՆՁԵՐՈՒ

Ամեն երեքշաբթի Երեկոյ ժամը 7½-8½:

Տիար Թորոսեան ուզելով մանկանց մէջ Հայ Գրակա-
նութեան սէրը զարթեցնել և մշակել. միևնոյն ատեն
գիրենք Փառլամէնդական օրէնքներու ընտելացնել և ըզ-
բօսցնել, կազմեց այս ակումբը, յաճախ անձամբ հսկե-
լով իրենց ընտրութեանց ու կանոնաւոր նիստերուն, ուր
մանկունք ինքնին կը կառավարէին նիստերը, երգեր
կ'երգէին, արտասանութիւններ կ'ընէին ու նիստէն վերջ
ալ մանկական խաղերով ժամանակ կ'անցնէին: Այս ժո-
ղովներն իրիստ հաճելի էին մանկանց ու օգուտներն ալ-
ներեւ. բայց մշտական հսկողի մը պակասութեան պատ-
ճառաւ մերթ ընդ մերթ դադարման ենթարկուեցաւ:

ԳՐԱԿԱՆ ԱԿՈՒՄԲ ԱՂԶԿԱՆՅ

Ամեն Ուրբաթ Երեկոյ Ժամը 6—7 :

Նպատակով, սկզբունքով ու մեթոսով նոյն ընդ մանչերու սկուսքին և նոյնքան յաջողութեամբ ալ յառաջ կ'ընթանար. միևնոյն պատճառով ալ յաճախ դարման ենթարկուեցաւ :

ՁԻՆՈՒՈՐԱԿԱՆ ՄԱՐԶԱՆԻ

Կ. Յ. ՉԱՆԳԱԼԵԱՆ, (Անդամ Նիւ Չէրզիի Չորրորդ Չօրաբաժնին) — ՄԱՐԶԻՉ

Ամեն Չորեքշաբթի Երեկոյ Ժամը 8—9 :

Այս խումբը Տիար Չանգալեանի խնամոց տակ փոյլուն վիճակ մ'ունէր շուրջ 20 անդամներով. բայց յորմէ հետէ մարդանքի սրահը գրասեղաններով բռնուեցաւ, իրենք ևս կազմալուծուեցան ցնոր տնօրինութիւն :

ԿԱՐԻ ԵՒ ԱՍԵՂՆԱԳՈՐԾՈՒԹԵԱՆ ԴՍՍԵՐ ԱՂԶԿԱՆՅ

Ամեն Շաբաթ Առաւօտ Ժամը 10—12 :

Այս դասերը սահմանուած էին օգնելու Հայ փոքր աղջկանց, որոնք պարագայից բերմամբ իրենց մայրերէն անգամ սովբելու դիւրութիւն չունին. միևնոյն ատեն կը յուսացուէր այս գործը ժամանակի ընթացքին մէջ դառնար արուեստական շահաբեր ձիւղ մը, որոյ մէջ կարելի ըլլայ գործել տալ գործարաններու մէջ գործելու անկարող, բայց գործի կարօտ ծեր կամ պառաւ Հայեր. և առ այս \$400.00 ի դրամագլուխ մ'ալ սկզբնաւորութեան համար խոստացուած էր Տիար Թորոսեանի :

Երկիրս՝ 1899 ին և 1900 ին, սկսուեցաւ այս գործ, բայց կարող և պաշտօնին հաւատարիմ Հայ կնոջ մը պահտութեան պատճառաւ անհնար եղաւ յարատեւել, կը յուսանք սակայն փորձերը պիտի շարունակուին մինչեւ գործի յաջողութիւն գտնելը :

ՓԷՆԵՒ ԽՆՍՑՈՂԱԿԱՆ ՍՆՏՈՒԿ ՄԱՆԿԱՅ

Անշուշտ ոչ ոք կրնայ այնչափ անդիտանալ որ չըկրնայ ըմբռնել այս ճիւղի անհրաժեշտ կարեւորութիւնը Հայ զաւակաց համար. բայց ցաւալի է որ հակառակ Տ. Թորոսեանի ցանկութեանն ալ, աննպաստ պարագայից բերմամբ այս ճիւղի գործադրութիւնը դեռ ևս արագային թողուած է :

ՆԻՕԻ ՃԵՂԶԻԻ ՀԱՅ ՈՐԲԱԽՆԱՄ ԸՆԿԵՐՈՒԹԻՒՆ

ՊԱՇՏՕՆԵԱՅԻ 1900—1901 Տարւոյ .

ԳՐԻԳՈՐ ԳԱՅՐԻԷԼԵԱՆ, Նախագահ
ՏԻԿԻՆ ՄԱՔՈՒՐ ԳԱՅՐԻԷԼԵԱՆ, Իեր-Նախագահ
ՕՐԻՈՐԳ ԼՈՒՍԻԿ ԳԱՅՐԻԷԼԵԱՆ, Բարտուղար
ՊԵՏՐՈՍ ՄՈՒՍՈՒԼԼԵԱՆ, Գանձապետ
..... Հաւաքիչ

Ն. Ճ. Որբախնամ Ընկերութեան կանոնաւոր նիստերն տեղի կ'ունենան ամեն առաջի վերջին կիրակի Երեկոյն, Աղօթքի ժողովէն անմիջապէս վերջը : Ամեն Հայի ներկայութիւնը խիստ սիրով բաղձալի է :

1899 Նոյ. 30 ին, Ամերիկայի Միացեալ Նահանգաց Գոհարանութեան Տօնի օրը, մեր եկեղեցական պաշտամունքէն անմիջապէս վերջը, բնութեան բոլոր բարեաց առատօրէն պարգևողին գործնականապէս գոհութիւն մատուցանելու համար, այն Որբ. Ընկերութիւնս հաստատուեցաւ նախաձեռնութեամբ Հաստատութեանս եկեղեցւոյ Գոհարանական պաշտամունքին ներկայ եղող Տիկնանց և Օրիորդաց՝ Ուէսթ Հօպօքընի Հայուհեաց Որբախնամ Ընկերութիւն անուամբ. և իրեն անգամ կ'ընդունէր միայն իգական սեռէն. բայց իւր Ա. տարեկան Ընդհ. Ժողովին մէջ քուէարկեց որ Ընկերութեան անունը փոխուի Նիւ Չէրզիի Հայ Որբախնամ Ընկերութիւն անուան և անգամակցութեան ալ ընդունուին ամեն անձ առանց խտրութեան սեռի, հասակի, կուսակցութեան և յարանուանութեան :

Ընկերութեանս առաջին շրջանին համար պաշտօնեայք ընտրուեցան հետևեալք,

ՏԻԿԻՆ ՄԱՔՈՒՐ ԳԱՅՐԻԷԼԵԱՆ, Նախագահ
» ՀՈՒՓՍԻՄԷ ԹՄՃԻՐԵԱՆ, Դեր-Նախագահ
» ՍԸՌՄԱ ԳԱՅՐԻԷԼԵԱՆ, Աղօթարար,
» ՀԱՅԿԱՆՈՒՇ ՏԻՐԱՏՈՒՐԵԱՆ, Բարտուղար
» ԲԸՌԼԱՆ ԳԱՅՐԻԷԼԵԱՆ, Գանձապետ
ՕՐԻՈՐԳ ԼՈՒՍԻԿ ԳԱՅՐԻԷԼԵԱՆ, Հաւաքիչ

Ընկերութեան ցանկութիւնն էր իւր Ա. շրջանին վերջը կարողանար 2 Հայ որբեր Տիգրանահերտի՝ և 1 Ակնայ մէջ պահել: Տարեգլխին՝ հակառակ կարգ մը ոչ բաղձալի անձանց Ընկերութեանս դէմ լարած վհատեցուցիչ և անխիղճ մեքենայութեանց, Տէրը իսպառ անակնկալ շնորհօք կարողացուց Ընկերութիւնս փոխանակ Յի վեճ որբեր պահել, 4ը Տիգրանահերտի՝ և 2ը Ակնայ մէջ, որոց առաջին տարուան (1901-1902 Մարտ 1) ծախքը վճարուած է: Ընկերութեանս յատուկ ցանկութիւնն է պահել իւր որբերը մինչև իրենց ընթացաւարտութիւնն կամ ամուսնութիւնն, որոյ համար և մեր համակիրներու առատօրէն նպաստիցը կը կարօտինք:

Ընկերութեանս կրնայ բաժանորդագրուիլ ունէ անձ չարաթական 1 սէնթ կամ աւելի, ըստ կարողութեան, կանոնաւոր տուրք մը վճարելով:

Ընկերութիւնս սիրայօժար կ'ընդունի նուէրներ ալ: 1899—1900 ի շրջանին Ընկերութեանս անդամակցած են 15 Տիկիներ և 5 Օրփորդներ: 1900—1901 ի շրջանին՝ 17 Տիկիներ, 9 Օրփորդներ և 18 Այրեր:

ԵԼԵԻՄՈՒՏԻ 1899—1900 Տարւոյ

ՄՈՒՏԻ, Անդամուհեաց Շարաթավճարներէն,	\$ 37.56
Կիրակնօրեայ Վարժարանէն,	2.35
Տիար Մ. Գարանֆիլեանի Պսակադրամէն,	5.
Օր. Պայծառ Մուսուլլեանի Հարսանիքէն,	5.05
Ընկերութեանս Ա. Տարեդարձի Հանդեսէն,	127 11
Գումար,	<u>\$177.07</u>

ԵԼԻ, Տիգրանահերտի 4 որբոց 1901-1902 տարեթուշակին իհաշիւ £20½ ի փոխ. գիր մը,	\$100.56
Ակնայ 2 որբոց 1901-1902 տարեթուշակին	48.10
Գանձելի գումար,	2.
Հաշուկշիւ (Կանխիկ Դրամ),	26.41
Գումար,	<u>\$177.07</u>

Տիկին ԲԼՈՒԱՆ ԳԱՖՐԻԷԼԵԱՆ, Գանձապետ

Ընկերութիւնս իւր խորին շնորհակալիք կը յայանէ իւր բոլոր նուիրատուներուն ու անդամներուն. և կը յուսայ որ ինչպէս անցելոյն՝ նոյնպէս ապագային մէջ ևս պիտի շարունակեն իրենց քաջալերութիւնները:

Մանկանկար Խնդրագրին (Նոննէ Երես 10):

W. Holston, M. J.
Dec 24, 1897.

Our Dear Beloved Mother

In the name of you and our Master I entreat you to give your kind attention to the following which is our actual constitution. We are about this toward (10) in number living in New-Helston. And some of us is able to support in family conveniently with good money of us are out of work for an indefinite period. The winter is at our doors and different kind of tribulation have already begun to enter into our families.

Dear Mother we assure you that our entire is worthy of consideration and sincerely hope that you will not overlook it. We do not ask from you any help in the time of your or clothing in our families. We know we are doing our best to provide them with you as your affluence and personal buttons, do not from you some help in the line of Medicines & education. We secured a well known young man, a man who is well trained as a medical doctor, a graduate of College of Physicians

and Surgeon of Helston, Wk. And I should be glad on Educational and Christian work. We should like to be prepared as a Medical Mission and would be very glad to return back home at present. We desire to do this myself. We are to see H. H. Thompson, M. D. of Kansas, Oklahoma. And we think this is a good opportunity for us to secure him.

Now there are our need which we hope to see you on Sunday. And also in medical services. We believe a month will be enough for his whole service and we are for the medicine which he brings. We think the doctors Medicines will suffice a month. And we will ask that (10) dollars per month for his support. The number can not raise any part of this sum but we applied to the Board of Education of this state and they were kind enough to offer us the use of a hall left for school and preaching, and also the necessary tools for writing notes and for the remaining (10) dollars per month we apply to you sympathetically and heartily kindest.

Please remember us - your helpers among Armenians who have taken a refuge.

Մանրանկար Պատճէն
Ամենապատիւ Սրբազան Պատրիարքի Հրամանագրին,
Տիգրանակերտի Լուսաւորչական Որբանոցին մէջ
2 Որբեր Պահել Տալու Համար:

ՊԱՏՐԻԱՐԲԱՐԱՆ ՀԱՅՈՑ

Համար 3/38

Կոստանդնուպոլիս 22 Մարտ 1901

Արարչութեան Տնօրէն
պիտակաւ Եւանջելի
Հայրենի (Սրբ.)

Այսպէսով 19 Վերջապէս իրականացան
ձեր առջեւ շնորհակալութիւնը և պիտակաւ պարտաւոր թիւերը:
Ձեր ինքնաշնորհ շնորհակալութիւնը
Անկրկնաւորաբար Ընդունուած էր և շնորհակալութիւնը
վարչապետի անշնորհակալութիւնը ձեր ինքնաշնորհ թիւերը
իբրև պիտակ, ինչպէս առաջ է ինքնաշնորհ, Եւանջելի
Ինչպէս անշնորհակալութիւնը անշնորհակալութիւնը
չառն (10) անշնորհակալութիւնը:

Կը յիշեմ ձեր ինքնաշնորհակալութիւնը
այն պարտաւորութեան համար, զոր ինքնաշնորհակալութիւնը
այս պիտակ վրայ, և առաջապէս ինքնաշնորհակալութիւնը
իսկ ինքնաշնորհակալութիւնը ձեր ինքնաշնորհակալութիւնը
իսկ և պիտակ Եւանջելի ինքնաշնորհակալութիւնը:

Անունը ազգանունը
Արարչութեան Տնօրէն
Եւանջելի

ՎԵՐՉ

2001

32, 4 01, հայր. Սրբ. 1705

0022995

5544
2013



NL0022995

